

STATÜTS
da la
SOCIETÀ DA CHATSCHADERS SARSURA

NOM E DOMICIL

Art.1

Cul nom „Società da chatschaders Sarsura“ exista üna società a norma da l'art. 60 dal Cudesch civil svizzer. Quista società es üna secziun da l'Uniun grischuna da chatschaders da patenta (UGCP) sco eir dal district da chüra IX.

sowie des Bezirkes (Name) BKPJV.

Il domicil da la secziun as rechatta al lö da domicil actual dal president.

MERA ED INCUMBENZAS

Art.2

La secziun Sarsura ha la mera da:

- a) promover la chatscha in basa al sistem da patenta
- b) defender ils interess dals chatschaders
- c) sustegner masüras per mantegner, ameglstrar e proteger spazis da viver confuorm a la spezcha da sulvaschina
- d) chürar, cultivar e far chatscha per mantegner ün effectiv da sulvaschina san ed adattà a las relaziuns regionalas
- e) promover l'ir a chatscha confuorm a las prescripziuns da chatscha
- f) intermediar ils decrets e las prescripziuns existentas da la ledscha
- g) chürar la camaradaria
- h) promover il trenamaint da tir

Art.3

La secziun Sarsura observa unicamaing las meras da la politica da chatscha. Ella es neutrala in regard a la politica da parti e la confessiun.

COMMENBERS DA LA SOCIETÀ

Art.4

Commembler A

Minchün chi ha il dret dad ir a chatscha i'l chantun Grischun e nun es commembler A d'ün'otra secziun da l'UGCP po d'vantar commembler. Commembler A han il dret da vuschar sco eir il dret da tscherner activ e passiv in fatschendas da la secziun e da l'uniun. Els sun obliats da pagar contribuziuns da società e d'uniun.

Commembler B

Commembler da la secziun chi sun fingià commembler A in ün'otra secziun pon d'vantar commembler B in nossa secziun. Quists sun obliats da pagar be las

contribuziuns da secziun ed han il dret da vuschar be in fatschendas da la secziun sco eir il dret da tscherner activ e passiv.

Commembers passivs

Commembers passivs sun personas natüralas o giuridicas chi nun han il dret dad ir a chatscha e s'interessan per las meras da la società. Els nun han ne il dret da vuschar ne da tscherner in fatschendas da l'uniun e da la secziun. Els pon però as participar a las radunanzas cun vusch consultativa.

Ils commembers passivs sun obliats da pagar las contribuziuns da secziun. Els pon abunar la gazetta da l'uniun „Chatschader Grischun“ (Bündner Jäger).

Commembers d'onur da la secziun

Commembers, sco eir personas natüralas o giuridicas, chi nu sun commembers da la secziun ed han specialmaing s'acquistats merits per la società, pon gnir nomnats da la radunanza generala sco commembers d'onur da la società, quai sün proposta da la suprastanza.

Ils commembers d'onur nun han da pagar las contribuziuns statutarias per la secziun. Els giordan tuot ils drets da lur commembranza.

Veterans da l'UGCP

Commembers A chi accumulischan il 60-avel anniversari d'urant l'on curraint e fan part da l'UGCP almain daspö 25 ons sainz'interrupziun, dvaintan veterans. Els survegnan la placketta da veteran ed observan inavant tuot ils drets ed obligs d'ün commember A.

Commembers libers da l'UGCP

Commembers A chi accumulischan il 75-avel anniversari d'urant l'on curraint e fan part da l'UGCP almain daspö 25 ons sainz'interrupziun, dvaintan commembers libers. Els survegnan la placketta da veteran schi nu tilla han fingià. Els observan inavant tuot ils drets ed obligs d'ün commember A; els nun han però da pagar las contribuziuns da società e d'uniun.

Candidat da chatscha

Persunas chi s'han annunzchadas in Chantun Grischun per l'examen da chatscha, das-chan gnir tuttas sü in üna secziun sco candidat da chatscha. Els nun han ingüns drets da vuschar in affars da l'associaziun, la secziun nu paja per els ingüna contribuziun. Apaina cha'ls candidats da chatscha s'han acquistats il permiss da chatscha, valan els sco commembers „A“.Candidats da chatscha nu sun in oblig da pagar la contribuziun da secziun.

Art.5

Admissiun da commembers

Chi chi vuol dvantar commember da la secziun ha da drizzar üna decleraziun d'entrada in scrit a la suprastanza. Davart l'admissiun d'ün commember decida la radunanza generala o da secziun cun la majorità simpla dals votants preschaints, quai sün proposta da la suprastanza.

Cunter üna refüsa eventuala da la commembranza A po gnir fat ün recuors in scrit a la suprastanza centrala da l'UGCP infra 30 dis daspö cha la refüsa es cuntschainta. Quista decida definitivamaing.

Art.6

Scadenza da la commembranza

La commembranza scada pervi da:

- a) la sortida voluntaria chi ha da gnir comunicada in scrit al president fin als 31 december;
 - b) la mort;
 - c) l'exclusiun tras la radunanza cun majorità simpla dals votants preschaints.
- In cas da la mort d'üna persuna nu ston plü gnir pajadas per l'on curraint eventualas contribuziuns da seciun e d'uniun amo avertas.

Art.7

Exclusiun da commembers

Motivs per ün'exclusiun sun, sch'ün commember

- a) fa consciantamaing don als interess da l'uniun o da la secziun;
- b) nun accumulscha seis obligs statutaris;
- c) nu paja sia contribuziun da commember adonta d'ün'admoniziun in scrit;
- d) commetta surpassamaints invers la sulvaschina, chatscha e camaradaria.

Avant co excluder ad üna persuna pertocca tilla esa da dar il dret d'udida giuridica. Cun l'exclusiun da la secziun scadan tuot ils drets dal commember invers la secziun. Cunter l'exclusiun da la secziun po gnir fat recuors infra 30 dis a la suprastanza centrala schlargiada da l'UGCP tenor seis statüts. Quista decida definitivamaing.

Art.8

Ils commembers da la suprastanza, ils guardgiasulvaschina e guardgiachatscha, ils commembers d'onur e libers nun han da pajar ingüna contribuziun annuala.

ORGANISAZIUN

Art.9

Ils organs da la secziun Sarsura sun:

- a) la radunanza generala
- b) la radunanza da secziun
- c) la suprastanza
- d) ils revisurs da quints

Art.10

La radunanza generala

La radunanza generala vain bannida annualmaing e manada dal president da secziun. Ils invids vegnan fats in scrit e tramiss almain 14 dis avant cun l'indicaziun da las tractandas.

Mincha radunanza generala chi'd es gnüda bannida ordinariamaing, es cumpetenta da decider.

Radunanzas generalas extraordinarias pon gnir bannidas da la suprastanza, chi saja sün aigna iniziativa o stringentamaing sch'ün tschinchavel dals commembers A pretendan quai. Els han d'inoltrar a la suprastanza per temp lur pretaisa in scrit cun indicaziun dals motivs.

Propostas da commembers per mans da la radunanza generala ston gnir inoltradas in scrit e motivadas a la suprastanza fin als 31 december da l'on precedaint. Propostas chi nu sun gnüdas inoltradas per temp tratta la radunanza be scha $\frac{2}{3}$ dals votants preschaints approvuan üna proposta da procedura correspondententa davart il trattamaint. Scha la proposta da procedura vain approvada, lura vain la proposta trattada precis uschè sco üna proposta chi'd es gnüda inoltrada per temp. Scha la proposta da procedura vain refüsada, lura nu das-cha la proposta gnir trattada.

La radunanza generala tratta specialmaing las seguaintas fatschendas:

- a) Tscherner ils scrutinadurs
- b) Approvar il protocol da l'ultima radunanza
- c) Approvar il rapport annual dal president
- d) Approvar il rapport annual dal parsura da chüra
- e) Approvar il rapport annual da l'administradur dal material
- f) Approvar il quint dal chaschier da la società ed il rapport e la proposta dals revisurs
- g) Approvar il preventiv
- h) Admetter ed excluder commembers
- i) Fixar las contribuziuns da commember
- j) Decider davart propostas per mans da la radunanza da delegats da l'UGCP
- k) Decider davart müdamaints dals statüts
- l) Tscherner per üna perioda d'uffizi da duos ons
 - la suprastanza
 - ils revisurs
- m) Decider davart tuot las ulteriuras chosas chi sun gnüdas assegnadas a la suprastanza
- n) Undrentschas
- o) Varia

Art.11

Tschernas e votaziuns

Tschernas e votaziuns vegnan fattas cun plüman, premiss cha'l president da secziun o la majorità dals votants preschaints cun dret da vuschar nu pretendan üna tscherna resp. votaziun tras scrutin.

In cas d'egualità da vuschs i'l prüm scrutin, ha lö ün seguond scrutin. Schi dà danövmaing ün'egualità da vuschs, lura decida la büs-cha.

In cas d'egualità da vuschs pro fatschendas nun es la proposta acceptada.

Per votaziuns davart üna revisiun dals statüts, dissoluziun da la società o associaziun cun ün'otra secziun es necessaria l'approvaziun d'almain $\frac{2}{3}$ dals commembers preschaints cun dret da vuschar.

Art.12

Redunanza da la secziun

Üna radunanza da la secziun vain bannida da la suprastanza. L'invid succeda in scrit a mincha commember da secziun cun indichar las tractandas, quai il plü tard 7 dis avant la radunanza.

Mincha radunanza da la secziun chi'd es gnüda bannida tenor uorden es cumpetenta da decider e sias decisiuns sun impegnativas per tuot ils commembers da secziun.

Propostas da commembers da secziun per mans da la radunanza da la secziun ston gnir suottamissas in scrit e motivadas a la suprastanza fin 14 dis avant la radunanza. Propostas chi nu sun gnüdas inoltradas per temp tratta la radunanza be scha $\frac{2}{3}$ dals votants preschaints cun dret da vuschar approvvan üna proposta da procedura correspondentia davart il trattamaint. Scha la proposta da procedura vain approvada, lura vain la proposta trattada precis uschè sco üna proposta chi'd es gnüda inoltrada per temp. Scha la proposta da procedura vain refüsada, lura nu das-cha la proposta gnir trattada.

La radunanza da la secziun po trattar tuot quellas fatschendas chi nu stan illa cumpetenza da la radunanza generala.

A la radunanza da la secziun vegnan elets ils delegats per la radunanza da delegats da l'UGCP.

Art.13

Suprastanza

La suprastanza as cumpuona dals seguaints commembers

- a) il president
- b) l'actuar
- c) il chaschier
- d) il parsura da chüra
- e) l'administradur dal material
- f) ün assessur cun vusch consultativa
- g) ün rimplazzant dal parsura da chüra, cun vusch consultativa

Scha commembers as retiran da la suprastanza dürant la perioda d'uffizi currainta, lura esa da far elecziuns complementaras a la prosma radunanza generala.

La suprastanza es cumpetenta da decider scha passa la mità da seis commembers sun preschaints.

In cas d'egualità da vuschs decida il president definitivamaing cun dar la vusch da tagl.

La suottascripziun giuridicamaing valabla per la società han collectivamaing in duos il president ed ün commember da la suprastanza.

La suprastanza ha la cumpetenza per tuot las decisiuns ed acziuns chi nu sun resalvadas a la radunanza generala. Da las sezzüdas da la suprastanza fa l'actuar ün protocol.

Art.14

Incumbenzas da la suprastanza:

- a) decider davart tuot las fatschendas da la società chi nu sun confidadas a la radunanza generala;
- b) specialmaing ha'la il dret da manar la gestiun ed in general da tegner in ögl ils interess da la società;
- c) realisar las decisiuns da la società;
- d) rapreschantar la società vers l'exteriur;
- e) bannir las radunanzas generals e da la secziun;
- f) far ils rapport annuals, ils quints annuals ed ils preventivs;
- g) rediger ils reglamaints chi sun necessaris per la gestiun da la società.

Art.15

Incumbenzas dals commembers da la suprastanza

Il **president** maina il presidi e fixescha in perincletta culs ulteriurs commembers da la suprastanza ils termins e las tractandas da las radunanzas e sezzüdas. El tegna in salv l'archiv.

L'**actuar** güda al president a far la correspundenza e fa ils protocols.

Il **chaschier** maina la chascha da la secziun ed il register dals commembers. Avant co convochar la radunanza generala ordinaria ha'l da conclüder per temp ils cudeschs e tils tegner a disposiziun dals revisurs da quints insembel cun tuot ils muossamaints.

L'**administradur dal material** es respunsabel per l'organisaziun e realisaziun da la gestiun da tir seguond las ordinaziuns respectivas, per il mantegnimaint dals implants da tir e pel material correspondent.

Il **parsura da chüra** es respunsabel per l'organisaziun e realisaziun da la chüra seguond las ordinaziuns da l'UGCP. El es l'hom da contact da la secziun per l'organisaziun chantunala da chüra ed ha dad observar precis e punctualmaing sias directivas.

L'**assessur** sustegna a tuot ils commembers da la suprastanza. La suprastanza til po surdar incumbenzas specialas per tillas evader independentamaing.

Art.16

Revisurs da quints

Ils revisurs da quints controllan il rendaquint da la società e fan ün rapport ed üna proposta in scrit per mans da la radunanza generala.

FINANZAS

Art.17

Las entradas da la secziun Sarsura as cumpuonan da:

- a) contribuziuns dals commembers;
- b) guadogns realisats d'arrandschamaints e da la gestiun da l'implant da tir;
- c) donaziuns eventualas e regals;
- d) contribuziuns da fauturs / sponsurs;
- e) ulteriuras contribuziuns.

Art.18

Las contribuziuns dals commembers as cumpuonan da:

- a) la contribuziun per la secziun Sarsura;
- b) la contribuziun per l'UGCP;
- c) la contribuziun per l'organ da l'uniun;
- d) ulteriuras contribuziuns (CCS = BSC) eui.

Las contribuziuns dals commembers han da gnir pajadas annualmaing fin il plü tard 30 dis davo il retschaivimaint dal quint. Ellas valan per l'on da società curraint.

Art.19

Las entradas da la secziun Sarsura vegnan dovradas per:

- a) la secziun Sarsura
- b) las contribuziuns a l'UGCP
- c) spaisas ordinarias dals commembers da la secziun e da la suprastanza
- d) indemisaziuns per la partecipaziun a radunanzas
- e) mantegnimaint dals utensils
- f) expensas liadas ad ün intent
- g) expensas extraordinarias da la secziun tenor concessiun da credit da las decisziuns da radunanzas dals commembers a la suprastanza, sco eir da l'import liber nomnà i'l artichel 20.

Art.20

Per expensas extraordinarias es accordà a la suprastanza annualmaing ün credit da trajamilli francs.

Exceptuà da quista limita da credit sun expensas urgiaintas per reparaturas ed indemnisaziuns in cas da dons, scha quai es necessari per mantegner la gestiun.

Art.21

Pels obligs da la Società da chatschaders Sarsura sta bun be la facultà da secziun. L'on da gestiun correspuonda a l'on chalendari.

DISPOSIZIUNS FINALAS

Art.22

Dissoluziun

Üna dissoluziun da la „Società da chatschaders Sarsura“ es pussibla be ad üna radunanza generala extraordinaria, a la quala i vain tractandà unicamaing la dissoluziun da la società.

L'invid ha da succeder tenor l'art. 10.

Per decider la dissolaziun es necessaria üna majorità da duos terzs dals commembers da la secziun preschaints cun dret da vuschar.

In connex cun üna dissoluziun da la società ston gnir applichats ils statüts da l'UGCP confuorm al sen per tuot ils cas chi nu sun reglats in quists statüts.

Art.23

La Secziun da chatschaders Sarsura recugnuoscha ils statüts e reglamaints valabels da l'UGCP sco eir quel dal district da chüra IX decisivs.

Art.24

La revisiun parziala e totala dals statüts da la secziun po adüna gnir fatta cun üna decisiun da la radunanza generala. Per üna decisiun da müdar ils statüts es necessaria per sia vigur la majorità da duos terzs dals commembers da la secziun preschaints cun dret da vuschar.

Statüts nouvs o revais parzialmaing aintran in vigur pür cun l'approvaziun da la suprastanza centrala da l'UGCP.

Art.25

Ils statüts preschaints e revais totalmaing sun gnüts approvats in occasiun da la radunanza generala dals 19 schner 2011. Els rimplazzan ils statüts d'infin uossa dals 15 lügl 1973 ed aintran in vigur subit davo l'approvaziun da la suprastanza centrala.

Per la secziun Sarsura da l'Uniun grischuna da chatschaders da patenta

Il president:

L'actuar:

Arnold Menig:

Gian Thom:

Per l'Uniun grischuna da chatschaders da patenta

Il president central:

L'actuar central:

Approvà da la suprastanza centrala als

Adataziun ed approvà da la radunanza generala als: 29.01.2014